

Bosna i Hercegovina
Federacija Bosne i Hercegovine
FEDERALNI ZAVOD ZA MIROVINSKO I
INVALIDSKO OSIGURANJE
FEDERALNI ZAVOD ZA PENZIJSKO I
INVALIDSKO OSIGURANJE
KABINET DIREKTORA

BROJ: FZ3/5/1-30-4-36-7/20
16. juna 2020. godine

Na osnovu člana 10. Zakona o organizaciji penzijskog i invalidskog osiguranja „Službene novine FBiH“ broj: 32/01 i 18/05, člana 8. Statuta Federalnog zavoda za penzijsko i invalidsko osiguranje „Službene novine FBiH“ broj: 38/03 i 86/1, člana 32. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10) i Naredbe Kriznog štaba Federalnog ministarstva zdravstva, u cilju daljnjeg praćenja situacije i poduzimanje mjera radi sprečavanja i ranog otkrivanja slučaja bolesti izazvane novim koronavirusom (COVID-19) broj: 01-33-3510/20 od 12.06.2020. godine, direktor Federalnog zavoda za penzijsko/mirovinsko i invalidsko osiguranje, d o n o s i

PLAN MJERA

**za postupanje Federalnog zavoda za penzijsko/mirovinsko i invalidsko osiguranje u cilju
sprečavanja i širenja bolesti izazvane Coronavirus-om (COVID-19)**

Član 1.
Predmet

Ovim mjerama se uređuje postupanje Federalnog zavoda za penzijsko/mirovinsko i invalidsko osiguranje, (u daljem tekstu Federalni zavod), u cilju sprečavanja i širenja bolesti izazvane Coronavirus-om (COVID-19), za vrijeme trajanja pandemije proglašene od strane Svjetske zdravstvene organizacije, odnosno za vrijeme trajanja stanja nesreće proglašenog od strane Vlade FBiH.

Član 2.
Područje primjene

Mjere se primjenjuju na registrovanu djelatnost Federalnog Zavoda.

Član 3.
Zaduženi

Za realizaciju mjera su zaduženi direktori administrativnih službi i šefovi Poslovnica administrativnih službi.
Zaduženi su obavezni poduzeti sve neophodne aktivnosti kojima bi se svi vidovi zaštite zdravlja i sigurnosti radnika, te imovine Federalnog zavoda, podigli na najviši mogući nivo, sprovoditi i koordinirati sve aktivnosti na realizaciji uputa Federalnog kriznog štaba i kantonalnih kriznih štabova, kao i uputa Kriznog štaba ministarstva zdravstva Federacije BiH i Higijensko - epidemiološkog zavoda

Federacije BiH, nadzirati sprovođenje mjera te izvještavati direktora Federalnog zavoda o realizovanom.

Član 4. Sprovođenje mjera

Mjere za postupanje u cilju sprječavanja i širenja bolesti izazvane Coronavirus-om (COVID-19) se realizuju u tri faze:

- Faza preventivne zaštite,
- Faza spašavanja,
- Faza otklanjanja posljedica.

Član 5. Faza preventivne zaštite

U fazi preventivne zaštite konstantno realizovati aktivnosti na zaštiti zdravlja i sigurnosti radnika Federalnog zavoda kroz provođenje preventivnih mjera:

1. Ličnu higijenu radnika i posjetilaca objekata Federalnog zavoda podići na viši nivo, uz obavezno i stalno pranje ruku dezinfekcionim sredstvom na ulazu/izlazu iz objekata Federalnog zavoda,
2. Objekte Federalnog zavoda svakodnevno podvrgnuti higijenskom tretmanu sa posebnim osvrtom na kritične i frekventne tačke, što uključuje i povremenu dezinfekciju,
3. Službena vozila svakodnevno podvrgnuti higijeni i povremenoj dezinfekciji,
4. Preporuka da radnici ne koriste lift,
5. Prilikom dolaska na posao poštovati epidemiološko - zaštitne mjere (maska, pamučna traka, šal i sl.) i socijalnu distancu najmanje 2 m,
6. Radnici koji dolaze na posao se raspoređuju na način da se osigura propisana udaljenost u skladu sa preporukama Kriznog štaba Federalnog ministarstva zdravstva, odnosno Federalnog štaba civilne zaštite (najmanje 2 m), gdje god je to praktično moguće,
7. Radnici su obavezni smanjiti međusobne kontakte sa drugim radnicima na najmanju moguću mjeru, kao i kontakte sa vanjskim saradnicima i predstavnicima dobavljača i opreme, te lične kontakte zamijeniti elektronskom komunikacijom ili komunikacijom putem telefona,
8. Posjete „trećih,, lica svesti na minimum i samo na nužnu poslovnu komunikaciju koja će se odvijati u posebno određenim prostorijama Federalnog zavoda,
9. Za vrijeme provođenja preventivnih mjera protiv širenja zaraze koronavirusa, svi radnici Federalnog zavoda su obavezni da postupaju savjesno i odgovorno, te da sarađuju sa nadležnim zdravstvenim ustanovama i svoje ponašanje u cjelosti usklade sa preporukama i zahtjevima nadležnih zdravstvenih ustanova.

Faza preventivne zaštite podrazumjeva obaveze u pogledu kretanja radnika Federalnog zavoda, u smislu poduzimanja slijedećih mjera:

1. Zabranjuje se u države koje imaju nepovoljnu epidemiološku situaciju ovlaštenim licima u Federalnom zavodu da radnike upućuju na službeni put u inostranstvo po bilo kom osnovu,
2. Zabranjuje se ovlaštenim licima u Federalnom da radnike upućuju na službeni put u BiH, osim u slučaju da je službeni put neophodan za obezbjeđenje nesmetanog vršenja djelatnosti, te drugih poslova čije odlaganje može ugroziti odvijanje procese rada,
3. Radnici Federalnog zavoda koji su boravili u nekoj od zemalja u kojoj je raširen koronavirus ili čiji su članovi uže porodice boravili u tim zemljama, nakon povratka u zemlju, obavezni su

- prethodno telefonski se javiti neposrednom rukovodiocu i nadležnim zdravstvenim ustanovama i postupiti prema uputama nadležnih zdravstvenih ustanova,
4. Radnici koji budu imali bilo koji od simptoma karakterističnih za koronavirus, dužni su, prije dolaska na posao, obavezno se javiti nadležnoj zdravstvenoj ustanovi i postupiti po dobijenim uputama,
 5. Licima angažovanim po ugovorima, a koja dolaze iz zemalja u kojima je zabilježena značajnija pojava koronavirusa, neće biti dozvoljen ulaz u objekte Federalnog zavoda izuzev lica čije prisustvo je neophodno radi osiguranja kontinuiteta rada, a koje je potrebno svesti na najmanji mogući nivo, uz primjenu odgovarajućih mjera zaštite,
 6. Održavanje internih sastanaka svesti na najmanju moguću mjeru uz obavezu da broj učesnika na sastancima koji se održavaju ne može preći 10 učesnika, ili sastanke održavati putem sredstava daljinske komunikacije,
 7. Održavanje eksternih sastanaka prolongirati ili održavati iste putem sredstava daljinske komunikacije,
 8. Radnici su obavezni da kretanje u vrijeme kada nisu na poslu svedu na najmanju neophodnu mjeru,
 9. Upravni odbor Federalnog zavoda i upravljački organi Federalnog zavoda će svoje sjednice, te interne i eksterne sastanke odražavati samo ako je to neophodno i svesti broj učesnika na sastancima na najmanju moguću mjeru, uz maksimalno korištenje sredstava daljinske komunikacije.

Radnicima Federalnog zavoda iz stava 1. alineja 3. i 4. zabranjen je ulazak u poslovne objekte Federalnog zavoda za vrijeme dok traju mjere određene od strane nadležnih zdravstvenih organa.

U administrativnim službama, u kojima je to moguće, a kako bi bila izbjegnuta koncentracija većeg broja radnika na jednom mjestu, kao preventivne mjere u cilju sprečavanja širenja zaraze koronavirusa u Federalnom zavodu će se primjenjivati:

- skraćivanje radnog vremena, shodno članu 37. Zakonu o radu Federacije BiH „Službene novine FBiH“, broj 26/16 od 04.04.2016. godine
- upućivanje radnika na godišnji odmor iz 2020. godine,
- upućivanje radnika na plaćeno odsustvo,
- rad od kuće.

Član 6. Faza spašavanja

U slučaju epidemije poduzeti mjere prema uputama Kriznog štaba ministarstva zdravstva FBiH i Higijensko - epidemiološkog zavoda FBiH, i to:

- Zabrana ulaska u objekte Federalnog zavoda licima za koje se sumnja da su zaraženi, licima koja dolaze iz područja BiH i inostranstva gdje je epidemiološka situacija loša, te licima koja su poslana u samoizolaciju,
- Obavezno prijavljivanje kontakta sa licima koja su u samoizolaciji,
- Posebna dezinfekcija mjesta boravka u objektima Federalnog zavoda gdje je boravilo zaraženo lice,
- Vanredna dezinfekcija prostorija.

Član 7. Faza otklanjanja posljedica

Faza spašavanja podrazumjeva definisanje postupka u slučaju prijave pojave simptoma Covida -19 kod radnika Federalnog zavoda (*odnosno u slučaju da radnik na radnom mjestu uoči simptome Covida -19*), koji se ogleda u sljedećim instrukcijama za postupanje:

- U slučaju da radnik Federalnog zavoda na radnom mjestu uoči/osjeti simptome Covida -19, obavezan je urgentno obavjestiti neposrednog rukovodioca, higijensko epidemiološku službu i nadležnog doktora medicine rada i postupati po njihovim uputama,
- Neposredni rukovodilac je obavezan u saradnji sa nadležnim službama Federalnog zavoda, a po uputama lica iz prethodne tačke, organizovati sigurnu evakuaciju zaposlenika iz objekta Federalnog zavoda,
- Nakon zbrinjavanja radnika ili posjetioca sa simptomima Covida - 19 izvršiti procjenu i realizovati vanredne mjere na kontroli radnika koji su bili u neposrednom kontaktu kao i dezinfekciji prostora gdje se lice kretalo,
- Odgovorno lice će kontaktirati dostupne brojeve nadležnog ministarstva zdravstva i nadležnog Higijensko - epidemiološkog zavoda, te slijediti njihove upute.

U slučaju da radnik Federalnog zavoda koji se nalazi na godišnjem odmoru, plaćenom odsustvu ili u već propisanoj samoizolaciji uoči simptome Covida -19, isti ne dolazi na posao, već obavještava higijensko epidemiološku službu i nadležnog doktora medicine rada o svim simptomima Covida -19 i postupa po njihovim uputama.

Član 8. Izveštavanje

O svim sprovedenim aktivnostima direktori administrativnih službi, će periodično a po potrebi i svakodnevno izveštavati direktora Federalnog zavoda, kao i predlagati nove mjere u cilju zaštite zdravlja i sigurnosti radnika Federalnog zavoda kao i nesmetanog vršenja djelatnosti i potpornih funkcija, odnosno nesmetano odvijanje procesa rada u Federalnom zavodu.

Član 9. Rok trajanja planiranih aktivnosti

Ovaj Plan mjera stupa na snagu danom donošenja, i vrijedi do njegovog opoziva.

Član 10. Objava

Plan mjera za postupanje Federalnog zavoda u cilju sprječavanja i širenja bolesti izazvane Coronavirus-om (COVID-19) objavit će na oglasnim pločama i web stranici Federalnog zavoda.

DIREKTOR

mr Zijad Krnjić